

濟陰綱目卷之一

關中 武之望叔卿父輯著 錢塘 張志聰隱菴父訂正

西陵 汪 淇憺漪子箋釋 天都 查 望于周父叅閱

○調經

○論經主衝任二脉

任脈主任一身之陰血太衝屬陽明為血之海故穀氣盛則血海滿而月事以時下天真天一也天一之氣升而為壬陽而癸為癸子陽而癸陰也三旬一見者為一小會之過天此其常也然有大會中會之不同故又有三月一行一年

長方論曰岐伯云女子七歲腎氣盛齒更髮長二七而天癸至任脉通太衝脉盛月事以時下天謂天真之氣癸謂壬癸之水故云天癸也然衝為血海任主胞胎二脉流通經血漸盈應時而下常以三旬一見以象月盈則虧也若遇經行最宜謹慎否則與產後症相類若被驚恐勞役則血氣錯亂經脉不行多致勞瘵等疾若

行之變異究其盈虧之義則一也甚有數年不行而一行即受娠者又起於理之外矣豈鑒藥能為哉

脾氣化液而生血即水入于經其血乃生之意此營出中焦也故曰生化之源心統血者脾氣化液入心而變見為血也故雖心之所主亦藉脾氣化生故不可不知

逆於頭面肢體之間則重痛不寧若怒氣傷肝則頭暈脇痛嘔血
瘰癧癰瘍若經血內滲則竅穴淋瀝無已凡此六淫外侵而變症
百出犯時微若秋毫成患重於山岳可不畏哉
○論心脾為經血主統

薛立齋曰經云飲食入胃游溢精氣上輸於脾脾氣散精上歸於
肺通調水道下輸膀胱水精四布五經並行東垣先生所謂脾為
生化之源心統諸經之血誠哉是言也心脾平和則經候如常苟
或七情內傷六淫外侵飲食失節起居失宜脾胃虛損心火妄動
則月經不調矣大抵血生於脾土故云脾統血凡血病當用苦甘
之藥以助陽氣而生陰血也

知水穀之精氣
是生血之本則
知脾胃是生血
之源故脾胃不
健而血不生者
不可專主四物
矣

千金云婦人經
行如廁亦有爲
風所客者可不
知謹歟
經云二陽之病
發心脾男子少
精女子不月此
則又兼小腸而
言然小腸不過
與心爲合豈可
混解故當以素
問爲是

○論脾胃生血

薛立齋曰血者水穀之精氣也和調五臟灑陳六腑在男子則化
爲精在婦人則上爲乳汁下爲月水故雖心主血肝藏血亦皆統
攝於脾補脾和胃血自生矣凡經行之際禁用苦寒辛散之藥飲
食亦然

○論經不調由風邪客於胞中

陳氏曰婦人月水不調由風邪乘虛客於胞中而傷衝任之脉損
手太陽少陰之經蓋衝任之脉皆起於胞中爲經絡之海與手太
陽小腸手少陰心經爲表裏上爲乳汁下爲月水然月水乃經絡
之餘苟能調攝得宜則經應以時矣

此言脉微氣血兩虛之居經

此言寸脉微瀋及胃脈浮瀋陽不生陰之居經

蓋女子尺脉宜盛今反見弱是營不足于下也寸口衛脉浮大者衛氣盛于上也經曰至陽盛地氣不足故曰反也舉寸以該尺耳此言陽脉

論三月一來為居經

脉經云師曰脉微血氣俱虛年少者亡血也乳子下利為可否者此為居經三月一來曰寸口脉微而澀微則衛氣不足澀則血氣無餘衛不足其息短其形躁血不足其形逆榮衛俱虛言語謬誤跌陽脉浮而瀋瀋則衛氣虛虛則短氣咽燥而口苦胃氣澀則失液少陰脉微而遲微則無精遲則陰中寒瀋則血不來此為居經三月一來○問曰嬪人妊娠三月師脉之言此婦人非軀今月經當下其脈何類何以別之師曰寸口脈衛浮而大榮反而弱浮大則氣強反弱則少血孤陽獨呼陰不能吸二氣不停衛降榮竭陰為積寒陽為聚熱陽盛不潤經絡不足陰虛陽往一作實故令少血

洋大陰脉反弱
之居經

時發洒淅咽燥汗出或洩穢數多唾涎沫此令重虛津液漏泄故
知非軀畜煩滿血月稟一經三月一來陰盛則瀉名曰居經

謂右脉浮

大左脉反弱也

○論師尼寡婦異乎妻妾之治

此專主肝經而
言以相火寄于
肝也男女之慾
皆從此出現天
地之氣始于春
則知字欲之義
必由于肝也鳥
獸率尾亦然故
治此者當以柴
胡湯為法

羅謙甫曰宋褚澄療師尼寡婦別製方者蓋有謂也此二種寡居
獨陰無陽慾心萌而多不遂是以陰陽交爭乍寒乍熱全類溫瘧
久則為勞嘗讀史記倉公傳載濟北王侍人韓女病腰背寒熱衆
醫皆以為寒熱病倉公曰病得之欲男子不得也何以知診其脉
肝脉弦出寸口是以知之蓋男子以精為主婦人以血為主男子
精盛以思室女人血盛以懷胎也夫肝攝血者也是厥陰肝脉弦

其抑氣治法須
隨證採後方治
之故此不備列

出寸口上魚際則陰盛可知故知褚氏之言信有謂矣

○論調經當抑氣

濟生方論曰內經云百病皆生於氣經有所謂七氣有所謂九氣
喜怒憂思悲恐驚者七氣也七情之外益之以寒熱二證而爲九
氣也氣之爲病男子婦人皆有之惟婦人血氣爲患尤甚蓋人身
血隨氣行氣一壅滯則血與氣併或月事不調心腹作痛或月事
將行預先作痛或月事已行淋瀝不斷心腹作痛或遵腰脇或引
背脊上下攻刺吐逆不食甚則手足搐搦狀類驚癇或作寒熱或
爲癥瘕肌肉消瘦非特不能受孕久而不治轉而爲瘵疾者多矣
○論調經先去病

前明病之名有
捷也。不同。不必
俱見。後明病之
因。各有所自。不
可不曉。不曉則
下手無措矣。宜
審之。

析理無餘論症
極確鑿能悉此
何患不良

李氏曰。月水循環。纖病不作。而有子。若兼潮熱。腹痛重。則加之咳
嗽。汗嘔。或瀉。有潮汗。則血愈消耗。有咳嘔。則氣往上行。瀉則津偏
於後。痛則積結於中。是以必先去病。而後可以滋血。調經就中。潮
熱疼痛。尤為婦女常病。蓋血滯積入骨髓。便為骨蒸。血滯積於
中。與日生新血相搏。則為疼痛。血枯不能滋養百骸。則蒸熱於外。
血枯胞絡火盛。或挾痰氣食積。寒冷外邪。則為疼痛。

○論調經大法

方氏曰。婦人經病。有月候不調者。有月候不通者。然不調不通之
中。有兼疼痛者。有兼發熱者。此分而為四也。然四者若細推之。不
調之中。有趨前者。有退後者。則趨前為熱。退後為虛。也不通之中。

以類字推之則
所該者廣幸毋
執也而爲先爲
佐尤所當知

有血滯者有血枯者則血滯宜破血枯宜補也疼痛之中有常時
作痛者有經前經後作痛者則常時與經前爲血積經後爲血虛
也發熱之中有常時發熱者有經行發熱者則常時爲血虛有積
經行爲血虛有熱也此又分而爲八焉大抵婦人經病內因憂思
忿怒外因飲冷形寒蓋人之氣血周流忽因憂思忿怒所觸則鬱
結不行人之經前產後忽遇飲冷形寒則惡露不盡此經候不調
不通作痛發熱之所由也大抵氣行血行氣止血止故治血病以
行氣爲先香附之類是也熱則流通寒則凝結故治血病以熱藥
爲佐肉桂之類是也

論經水異色

此經調經
之事未盡矣
孝母忽

丹溪曰。經水者陰血也。陰必從陽。故其色紅。稟火色也。血爲氣之配。氣熱則熱。氣寒則寒。氣升則升。氣降則降。氣凝則凝。氣滯則滯。氣清則清。氣濁則濁。上應於月。其行有常名之曰經。爲氣之配。因氣而行。成塊者。氣之凝也。將行而痛者。氣之滯也。來後作痛者。氣血俱虛也。色淡者。亦虛也。而有水混之也。錯經妄行者。氣之亂也。紫者。氣之熱也。黑者。熱之甚也。今人但見其紫者。黑者。作痛者。成塊者。率指爲風冷。而行溫熱之劑。則禍不旋踵矣。良由病源論月水諸病。皆曰風冷乘之。宜其相習而成俗也。或曰。黑者。北方水色也。紫淡於黑。非冷而何。予曰。經云。亢則害。承乃制。熱甚者。必兼水化。所以熱則紫。甚則黑也。况婦人性執。而見鄙嗜欲。加倍臟腑厥。

陽之火無日不起非熱而何若曰風冷必須外得設或有之蓋千
百而一二也

二公之說甚明

脈証相參尤爲
的確

得數

準繩云冷症外邪初感入經必痛或不痛者久則鬱而變熱矣
且寒則凝既行而紫黑故非寒也○葉氏曰血黑屬熱丹溪之
論善矣然風寒外乘者十中常見一二何以辯之蓋寒主引澀
小腹內必時常冷痛經行之際或手足厥冷唇青面白尺脈或
遲或微或虛或雖大而必無力熱則尺脈或洪或數或實或雖
小而必有力於此審之可以得其情矣

李氏曰心主血故以色紅爲正雖不對期而色正者易調其色紫
者風也黑者熱甚也淡白者虛也或挾痰停水以混之也如烟塵

水如屋漏水如豆汁或帶黃混濁模糊者濕痰也成塊作片白不變者氣滯也或風冷乘之也色變紫黑者血熱也大槩紫者四物湯加防風白芷荆芥黑者四物湯加芩連香附淡白者芎歸湯加參芪白芍藥香附有痰者二陳湯加芎歸如烟塵者二陳湯加秦艽防風蒼朮如豆汁者四物湯加芩連成塊者四物湯加香附玄胡索枳殼陳皮隨証選用

○論經候愆期

王子亨曰經者常候也謂候其一身之陰陽愆伏知其安危故每月一至太過不及皆為不調陽太過則先期而至陰不及則後時而來其有乍多乍少斷絕不行崩漏不止皆由陰陽衰盛所致

丹溪翁只主一
熱字而熱症內
又用蒼朮南星
等誰其信之立
蘇又分肝脾血
分勞後五種尤
為詳明
愚謂脾虛氣鬱
宜歸脾湯脾實
氣鬱宜越鞠丸
之類為當

血生於脾故色
淡者宜補脾胃
此參朮所必用
也而丹溪以芎
歸為配不用地
黃為真者豈無
深意焉如立齋
養榮八珍等湯
皆本于此其用

丹溪云經水不及期而來者血熱也四物湯加苓連香附○肥人
不及日數而多者痰多血虛有熱南星白朮蒼朮黃連香附川芎
作丸○薛氏曰先期而至有因脾經血燥者宜加味道遙散○有
因脾經鬱滯者宜歸脾湯○有因肝經怒火者宜小柴胡湯加生
地黃○有因血分有熱者宜四物湯加柴胡牡丹皮山梔子○有
因勞役火動者宜補中益氣湯

丹溪云經水過期血少也用川芎當歸人參白朮兼痰藥治之○
過期色淡者痰多也二陳湯加芎歸○過期紫黑有塊血熱也必
作痛四物湯加香附黃連○薛氏曰過期而至有因脾經血虛者
宜人參養榮湯○有因肝經血少者宜六味地黃丸○有因氣虛

六味丸者又爲
補母之法宜詳
之

血弱者宜八珍湯。

○論月水多少

準繩云婦人病多是月經乍多乍少。或前或後將發疼痛醫者不
審一例呼爲經病。不知陽勝陰陰勝陽所以服藥無效。蓋陰氣乘
陽則包藏寒氣血不運行。經所謂天寒地凍水凝成冰故令乍少
而在月後。若陽氣乘陰則血流散溢。經所謂天暑地熱經水沸溢
故令乍多而在月前。當和血氣平陰陽斯爲福也。○陽勝陰月候
多者當歸飲陰勝陽月候少者七沸湯。○又云經水過多爲虛熱
爲氣虛不能攝血。○經水澀少爲虛爲澀。虛則補之澀則濡之。
脉經曰有一婦人來診言經水少不如前者何也。師曰曾更下利。

津液者水穀之
陰氣也亡之則

血失所養矣。故不如前焉。

弦與沉主氣病。

滑為實。絕為虛。

若汗出。小便利者。可。何以故。師曰。亡其津液。故令經水反少。設經下多於前者。當所苦困。當言恐大便難。身無復汗也。

○論月水不利。

良方云。婦人月水不利者。由勞傷氣血。體虛而風冷客於胞內。傷於衝任之脉。故也。若寸脈弦。關脈沉。是肝病也。兼主腹痛。孔竅生瘡。尺脉滑。血氣實。經絡不利。或尺脉絕。不至。兼主小腹引腰痛。氣攻胸膈也。

薛氏曰。前證屬肝膽二經。蓋肝膽相為表裏。多因恚怒所傷。若本

經風熱。用補肝散。

方見脅痛門。

血虛。用四物加酸棗仁。若腎水不足。用

六味丸。若患諸瘡瘍。治見後。

○論月水不斷

準繩云婦人月水不斷。淋瀝無時。或因勞損氣血而傷衝任。或因經行而合陰陽。皆令氣虛不能攝血。若時止時行。腹痛脉沉細。此寒熱邪氣客於胞中。非因虛弱也。○薛氏曰。前証若鬱結傷脾。用歸脾湯。恚怒傷肝。用逍遙散。肝火妄動。用加味四物湯。脾氣虛弱。用六君子湯。元氣下陷。用補中益氣湯。熱傷元氣。前湯加五味麥門冬炒黑黃檗。

○論過期不止

產寶云。男子生於寅。寅屬木。陽中有陰。故男子得八數。女子生於申。申屬金。陰中有陽。故女子得七數。男以氣為主。八八則卦數已

不斷不止有何
分別臨症宜細
心辨認

據此宜用十全
大補八珍湯人
參養榮湯之類

盡女以血為主。七七則卦數已終。終則經水絕。衝任脉虛衰。天癸絕。地道不通。而無子矣。或勞傷過度。喜怒不時。經脉衰微之際。又爲邪氣攻衝。所以當止不止而崩下也。許學士云。婦人經脉過期不止。腰腹疼痛。或七七數盡而月經下者。宜用當歸散治之。

○論經病疼痛

產寶云。經水者。行血氣通陰陽。以榮於身者也。氣血盛。陰陽和。則形體通。或外虧衛氣之充養。內乏榮血之灌溉。血氣不足。經候欲行。身體先痛也。此論身痛

良方云。婦人經來腹痛。由風冷客於胞絡。衝任。或傷於太陽。少陰。經用溫經湯。桂枝桃仁湯。若憂思氣鬱而血滯。用桂枝桃仁湯。地

何以用黃連須識其故

有知香附青皮桃仁易藥丹皮小茴五靈脂者

格致工夫又進一層

黃通經丸方見經閉若血結而成塊用萬病丸

丹溪云經水將來作痛者血實也一云氣滯四物湯加桃仁香附

黃連○臨行時腰疼腹痛乃是鬱滯有瘀血四物湯加紅花桃仁

莪朮玄胡索木香有熱加黃芩柴胡○經行後作痛者血氣俱虛

也以八珍湯加減服○戴氏曰經事來而腹痛者經事不來而腹

亦痛者皆血之不調故也欲調其血先調其氣四物湯加吳茱萸

半錢香附子一錢和氣飲加吳茱萸半錢亦可痛甚者玄胡索湯

然又恐感外邪傷飲食致痛痛不因血尤宜詳審和氣飲却能兼

治因冷而積因積而痛宜大溫經湯冷甚者去麥門冬不用

汪石山治一婦人瘦小年二十餘經水紫色或前或後臨行腹痛